



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

IZVJEŠTAJ O RADU ZA 2024. GODINU

JAVNE USTANOVE PREDŠKOLSKI ODGOJ I OBRAZOVANJE ZENICA

Zenica, mart 2025. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

Sadržaj

I OPĆI PODACI O USTANOVU

1. Status, naziv s osnovnim podacima, djelatnost	3
2. Funkcija predškolskog odgoja i obrazovanja	4
3. Prostorni kapaciteti	4
3.1. Radovi na objektima	5
4. Programi i organizacija rada	5
4.1. Radno vrijeme	5
4.2. Programi rada	5
5. Brojno stanje djece	6
6.1. Ishrana djece	7
7. Struktura zaposlenika	7
7.1. Kvalifikaciona i kadrovska struktura zaposlenika	7
7.2. Prikaz starosne strukture zaposlenika	8

II ODGOJNO-OBRAZOVNI RAD

1. Cilji odgojno-obrazovnog rada	9
2. Stručni organi u Ustanovi	10
3. Stručno usavršavanje	10
4. Realizacija programa stručnih saradnika	10
4.1. Rad koordinatora odgojno-obrazovnog rada Ustanove	11
4.2. Realizovani program logopeda	11
4. Saradnja sa porodicom	12
5. Saradnja sa društvenom sredinom	12
7. Realizirani projekti	12

III RAD ORGANA UPRAVLJANJA I RUKOVOĐENJA

1. Rad Upravnog odbora Ustanove	14
2. Rad direktora Ustanove	15

IV PREGLED I ANALIZA POSLOVANJA USTANOVE ZA 2024. GODINU

1. Finansiranje Ustanove	16
2. Prihodi i rashodi Ustanove	16
3. Višak rashoda nad prihodima	17

V MIŠLJENJA I PREPORUKE NEZAVISNOG REVIZORA

.....	18
-------	----

VI ZAVRŠNA RAZMATRANJA

.....	20
-------	----



I OPĆI PODACI O USTANOVI

1. Status, naziv s osnovnim podacima, djelatnost

Vijeće općine Zenica je na sjednici 11.07.1996. godine donijelo Odluku o zadržavanju prava Osnivača Radne organizacije Centar za predškolsko vaspitanje i obrazovanje Zenica, koji je osnovan od strane općine Zenica Rješenjem Narodnog odbora općine Zenica VL-br.072105/1 od 11.11.1960. godine, a upisan u Registar kod Višeg suda u Zenici. Rješenjem br. U/1-344/76 od 12.10.1976. godine; na registarskom br. 1-267.RO Centar za predškolsko vaspitanje i obrazovanje Zenica nastavlja djelatnost pod nazivom Javna ustanova Predškolski odgoj i obrazovanje Zenica (član 2. Odluke) i upisan je u Registar predškolskih ustanova 15.12.1997. godine U/1-1170/97, odnosno ponovljenim upisom izdato je Rješenje o naknadnom upisu u registar predškolskih ustanova Zeničko-dobojskog kantona postojeće Javne ustanove Predškolski odgoj i obrazovanje Zenica broj 10-34-7608-1-03/22 od 04.10.2022. godine.

Naziv ustanove:	Javna ustanova Predškolski odgoj i obrazovanje Zenica	
Skraćeni naziv:	JU POO Zenica	
Sjedište i telefon/fax	Zenica, Bulevar Ezhera Eze Arnautovića br. 5, 032/443-870	
Web i email Ustanove	www.zenickivrtici.com	jupoo_zenica@yahoo.com
Jedinstveni matični broj:	4218025220005	
Identifikacioni broj:	20196432	
Šifra djelatnosti:	80-101	
Poreski broj:	05000182	

Osnivač ustanove:	Vijeće općine Zenica
Resorno ministarstvo:	Ministarstvo obrazovanja, nauke, kulture i sporta Zeničko-dobojski kanton
Obrazovni nivo:	Predškolski odgoj i obrazovanje
Tip ustanove:	Javna ustanova za predškolski odgoj i obrazovanje

JU Predškolski odgoj i obrazovanje Zenica ima svojstvo pravnog lica i poseban žiro račun kod nadležne banke u Zenici. U pravnom prometu zaključuje ugovore i vrši druge pravne poslove i radnje u skladu svoje pravne sposobnosti.

JU Predškolski odgoj i obrazovanje Zenica je organizovana kao jedinstvena cjelina, u okviru koje djeluje Služba za opće poslove (Uprava) i vrtići u kojima se odvija odgojno-obrazovni program. Materijalno-finansijske i komercijalne poslove obavlja „MAQ d.o.o. Zenica“.

Organ upravljanja u Ustanovi je Upravni odbor, a organ rukovođenja direktor. U vrtićima, iz reda odgajatelja, direktor imenuje rukovodioca vrtića.

Javni interes Osnivač ostvaruje preko Vijeća Grada i Gradonačelnika, zatim preko Službe za društvene djelatnosti i koji ima pravo kontrole ispunjavanja javnih interesa, zbog kojih je Osnivač osnovao Ustanovu.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

Poslovi i zadaci planirani programom rada JU Predškolski odgoj i obrazovanje Zenica zasnovani su na:

1. Konvenciji o pravima djeteta
2. Cjelovitom razvojnom programu predškolskog odgoja i obrazovanja
3. Okvirnom zakonu o predškolskom odgoju i obrazovanju BiH (Službene novine BiH 88/07)
4. Zakonu o predškolskom odgoju i obrazovanju (Službene novine ZDK broj 7/10)
5. Programu rada JU Predškolski odgoj i obrazovanje Zenica
6. Kraćim programima (dopunske edukacije)
7. Pedagoškim standardima i normativima za predškolski odgoj i obrazovanje (Službene novine ZDK broj 2/11)
8. Zakonu o javnim ustanovama
9. Zakonu o stručnom usavršavanju
10. Pravilima Ustanove

2. Funkcija predškolskog odgoja i obrazovanja

Zakonom o predškolskom odgoju i obrazovanju reguliše se predškolski odgoj i obrazovanje djece od šest mjeseci starosti do polaska u osnovnu školu kao početni stepen jedinstvenog sistema odgoja i obrazovanja, koji se ostvaruje kroz programe sa ugrađenom zajedničkom jezgrom na području ZDK.

Zakonom o predškolskom odgoju i obrazovanju utvrđuju se: principi, ciljevi, standardi i normativi, upravljanje, rukovođenje, finansiranje, funkcije i nadzor, kao i druga pitanja u vezi sa organizacijom i osnivanjem predškolskih ustanova.

3. Prostorni kapaciteti

Tabelarni prikaz vrtića (objekata) s adresama i br. telefona, funkcija prostora (iskorištenost za primarnu funkciju –boravak djece), korisnici prostora i površina korištenog prostora

Red br	Objekat (vrtić)	Ulica i broj	Broj telefona	Površina prostora		Funkcija prostora	Korisnici prostora
				Unutarnji	Vanjski		
1.	Pinokio	Bul.Ezhera Eze Arnautovića 5	201-040	1219 m ²	670 m ²	Primarna	Vrtić i Uprava
2.	Radost	Begagića put bb	222-534	806 m ²	945 m ²	Primarna	Ustanova -Stomatološka ordinacija „KRUNA“ (41 m ²)
3.	Pčelica	Mejdandžik 4	443-900	673 m ²	320 m ²	Sprat primarna	Ustanova Jedan dio prizemlja : -JU „Dom zdravlja“ Zenica (206 m ²)
4.	Dunja	Školska ul. 13	240 734	1219 m ²	460 m ²	Primarna	Ustanova - Sprat „KRIYA“ Yoga centar (40 m ²)
5.	Poletarac	Prof. Juraja Neidharta 1	245 501	150 m ²	-	Primarna	Ustanova
6.	Sead Škrgeo	Dr. Čire Truhelke 10 C	423 005	150 m ²	-	Primarna	Ustanova
7.	Kekec	Mokušnice 10		928 m ²	378 m ²	Nije u primarnoj funkciji	- Radionica- Ustanova - Centar za edukaciju, informisanje i afirmaciju mladih „INPUT“ (130 m ²) - „Profil“ d.o.o. (352,73 m ²)
8.	Lipa	Travnička cesta 42		801 m ²	174 m ²	Sprat primarna funkcija	Sprat: Ustanova Prizemlje: UG „Pomirenje (70 m ²)



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

9.	Kanarinac	Crkvice 28		1426 m ²	1870 m ²	Nije u prim.funkciji	-UG „Budimo prijatelji“ (88,04m ²) -UG „Zvijezda“ (73,55 m ²)
10	Ciciban	Zije Dizdarevića 10		718 m ²	1272 m ²	Nije u prim.funkciji	Prizemlje:JU „Dom zdravlja“ (448 m ²) Sprat: Ruhama (584 m ²)
11	S. Škrgo (Dom mladih)	Jalijski put 5		972 m ²	320 m ²	Nije u prim. funkciji	Podrum –Ustanova, vešeraj Općina /Dom mladih (367m ²)
12	Garaže (2)	Mejdandžik bb		30 m ²	-	U upotrebi	Ustanova

Napomena: Sa korisnicima prostora potpisani su Ugovori. Neki korisnici plaćaju naknadu za iznajmljeni prostor, a neprofitabilne organizacije oslobođene su plaćanja (prostore koriste uz saglasnost Osnivača).

3.1. Radovi na objektima

U 2024. godini nije bilo radova na objektima. U saradnji sa Vijećem roditelja rekonstruisana je jedna soba u vrtiću „Pčelica“ i jedan dio fasade vrtića „Radost“.

4. Programi i organizacija rada

4.1. Radno vrijeme

Uprava (Zajednička služba): od 7,30 - 16,00 sati. U okviru programskih aktivnosti realizuju se cjelodnevni boravak od 6,30 - 17,00 sati, poludnevni (petosatni boravak) i program „Leptir“.

4.2. Programi rada

Program koje realizujemo u Ustanovi je Cjeloviti razvojni program Ministarstva obrazovanja, nauke, kulture i sporta Zeničko-dobojskog kantona. Po završetku programa, odnosno pedagoške godine redovno su organizovane završne svečanosti, uz podjelu diploma i prigodnih poklona za djecu.

PROGRAMI USTANOVE		
Cjeloviti dnevni razvojni program 06.30-17.00 h	Cjeloviti poludnevni razvojni program (5 h dnevno)	Program „Leptir“ 09.00-11.30 h
Jaslice (od 6 m.-3 g.): -doručak -ručak -užina Vrtić (od 3-6 g.): -doručak -ručak -užina -engleski jezik -logopedski tretman	Jaslice: -doručak -ručak Vrtić: -doručak -ručak -engleski jezik -logopedski tretman	Boravak djece u vrtiću, dva puta sedmično , u pripadajućoj uzrasnoj grupi. Rad po Cjelovitom razvojnem programu sa engleskim jezikom.

Napomena: Korisnici usluga koji imaju dvoje ili više upisane djece ostvaruju maksimalan popust od 20% na ukupnu cijenu i dva puta godišnje popust za godišnji odmor.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

S ciljem što većeg obuhvata djece predškolskog uzrasta ranim odgojem i obrazovanjem nastavljeno je sa realizacijom adaptacionog programa “Leptir” za djecu uzrasta od 3 godine do polaska u školu. Aktivnosti se realizuju dva puta sedmično po dva i po sata. U ovoj godini nisu realizovani kraći specijalizirani programi.

5. Brojno stanje djece

5.1. Pregled upisane djece u Ustanovi od 01.01.2024. – 31.12.2024. godine

2024.	PINOKIO	PČELICA	POLETARAC	RADOST	DUNJA	Ukupan broj djece u 2024. g.
Januar	90	86	41	113	94	424
Februar	91	89	41	113	99	433
Mart	94	91	41	115	100	441
April	96	90	41	118	99	444
Maj	94	92	43	119	99	447
Juni	94	94	43	118	97	446
Juli	95	85	37	110	90	417
August	84	80	35	105	86	390
Septembar	97	89	41	115	124	466
Oktobar	95	89	41	116	119	460
Novembar	96	91	41	117	118	463
Decembar	98	94	41	114	118	465

Prosječan broj djece u 2024. godini iznosio je 441. U Ustanovi je u periodu mart-maj 2024. godine realizovan **Program obaveznog predškolskog odgoja i obrazovanja** (180 sati) za djecu u godini pred polazak u osnovnu školu, kojim je bilo obuhvaćeno 451 dijete iz većine Mjesnih zajednica.

6. Zdravstveno-higijenski uslovi

Uvidom sanitarne inspekcije može se konstatovati da je nivo higijene u svim objektima bio na zadovoljavajućem nivou. Prema zakonskim odredbama, redovno jedan put mjesečno nadležna zdravstvena služba (JU Institut za zdravlje i sigurnost hrane), obavljala je kontrolu namirnica i spravljenih obroka (mikrobiološka analiza) i konstatovala ispravnost istih. Preventivna zdravstvena zaštita je realizovana tokom godine: lječarsko uvjerenje za djecu pri upisu, sanitarni nalazi zaposlenika, sistematski pregled, redovne deratizacije i dezinfekcije objekata i opreme, elementarna edukacija o zdravstvenoj kulturi djece kroz odgojno-obrazovne oblasti i svakodnevno održavanje kvalitetnih higijenskih uslova.

Zdravstvena zaštita djece ima isključivo preventivni značaj. U cilju osiguranja optimalnih zdravstvenih i higijenskih uvjeta za boravak djece u vrtićima, kao i preventivne zdravstvene zaštite, ispunjeni su sljedeći uslovi:



- Sva djeca prilikom upisa u vrtić obavezna su imati ljekarsko uvjerenje
- Svi uposlenici koji rade s djecom obavezni su obaviti sanitarni i sistematski pregled jednom godišnje, a uposlenici koji su u direktnom kontaktu s hranom dva puta godišnje rade sanitarni pregled
- Permanentno raditi na razvoju higijenskih navika kod djece
- Permanentno educirati kadrove iz oblasti zdravstvene zaštite

6.1. Ishrana djece

Svaki vrtić u Ustanovi posjeduje kuhinju, prostor za odlaganje hrane i trpezariju. U kuhinjama rade kvalifikovane kuharice i svakodnevno pripremaju hranu.

Obroci su pripremani u skladu sa normativima. Energetska vrijednost spravljenih obroka bila je na zadovoljavajućem nivou, na osnovu redovite provjere nalaza od JU Institut za zdravlje i sigurnost hrane Zenica i iznosila je (kJ/dan) 6488,3-6906,9 (6697,6), a kalorijska vrijednost (kcal/dan) 1550 -1650 (1600) što je 75 % od ukupnog dnevnog unosa hrane, djece predškolskog uzrasta.

Obroci za djecu spravljeni su po načelu zdrave ishrane "Zdravo jedi, zdravo rasti". Zastupljena je mala količina masnoća i šećera, insistira se na konzumaciji svježeg voća, povrća i mliječnih proizvoda. Hrana i prehrambeni proizvodi se nabavljaju od provjerenih dobavljača, po osnovu raspisanih tendera. Kuharice obavljaju sanitarni pregled svakih šest mjeseci, a sanitarni minimum svake četiri godine u JU Dom zdravlja Zenica.

Kroz projekat "Smanjenje faktora rizika za zdravlje stanovništva BiH", „Bravo za zdravo“, podržanog od Federalnog ministarstva zdravstva i Svjetske banke napravljena je Prehrambena politika kojom su precizirani ciljevi ishrane predškolske djece i kreiran je novi jelovnik.

Sedmični jelovnik nalazi se u prilogu Godišnjeg programa rada ustanove za pedagošku 2023/2024. godinu i na Oglasnim pločama u vrtićima.

7. Struktura zaposlenika

Tabelarni prikaz zaposlenih na radnim mjestima u Ustanovi

Direktor	Sekretar	Koordinator	Def. logoped	Odgajateljice	Njegovateljice	Administracija	Kuharice	Teh. osoblje
1	1	1	1	27	14	2	6,5	13,5

Ukupan broj zaposlenih u Ustanovi na kraju 2024. godini je 67 zaposlenika, od čega je 4. zaposlenih angažovano na određeno vrijeme.

7.1. Kvalifikaciona i kadrovska struktura zaposlenika

STRUČNA SPREMA	MR	VSS	VSS	SSS	VKV	KV	NK
BROJ ZAPOSLENIKA	1	18	11	26	1	7	3
UKUPNO:	67						



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

7.2. Prikaz starosne strukture zaposlenika

GODINE ŽIVOTA	Do 35	Do 40	Do 45	Do 50	Do 55	Do 60	Do 65
BROJ ZAPOSLENIKA	18	2	8	10	18	4	7
UKUPNO:	67						



II ODGOJNO-OBRAZOVNI RAD

Cjelokupni odgojno-obrazovni rad u Ustanovi je zasnovan na Konceptiji predškolskog odgoja i obrazovanja koja proizilazi iz Cjelovitog razvojnog programa Ministarstva za obrazovanje, nauku, kulturu i sport ZDK na osnovu kojeg se izrađuje Metodologija godišnjeg plana i programa rada Ustanove za pedagošku godinu. U 2024. godini JU Predškolski odgoj i obrazovanje Zenica prvi put nije dobila saglasnost Ministarstva za obrazovanje, nauku, kulturu i sport ZDK, te se radilo bez usvojenog Godišnjeg plana, a na osnovu plana za 2023. godinu. Razlog tome je neusklađenost sa Pedagoškim standardima i normativima za predškolski odgoj ZDK, a direktno je vezano za višak medicinskog osoblja.

1. Cilj odgojno-obrazovnog rada

Odgojno-obrazovni rad planira se i provodi na osnovu Godišnjeg plana i programa rada, koji se izrađuje početkom svake pedagoške godine i kojeg odobrava Ministarstvo obrazovanja, nauke, kulture i sporta ZE-DO kantona.

Predškolski odgoj i obrazovanje je dio odgojno-obrazovnog sistema u Bosni i Hercegovini. On je prvi, poseban i specifičan stepen odgojno-obrazovnog sistema koji se bavi odgojem djece predškolske dobi. Predškolski odgoj čini početnu strukturu integralnog odgojnog sistema. Kao temeljni dio sistema ima nezamjenjivu ulogu u odgoju i obrazovanju djece. Predškolski odgoj je bitan segment uspostavljanja prvih temelja za izgrađivanje samostalne, autonomne, integrirane i stvaralačke ličnosti.

Globalni cilj predškolskog odgoja i obrazovanja je da se u skladu sa realnim mogućnostima obezbijede uslovi za cjelovit razvoj i ostvarivanje prava djece u skladu sa Konvencijom UN o pravima djece, kroz odgovarajuću podršku porodici razvoj i jačanje predškolskih institucija u ostvarivanju principa na kojima se zasniva predškolski odgoj i obrazovanje.

Opći cilj predškolskog odgoja i obrazovanja je osigurati optimalne uslove kako bi svako dijete od rođenja do polaska u školu, razvijalo i ostvarilo svoje pune potencijale i kompetencije kroz različite vidove kvalitetnog, profesionalnog, autonomnog, institucionalnog i vaninstitucionalnog predškolskog odgoja i obrazovanja. S obzirom na to da predškolska ustanova ima opći i poseban značaj, programi rada se temelje kako na općim principima koji su zajednički ovoj oblasti, tako i na specifikumu same predškolske ustanove. Pri definisanju cilja i zadatka potrebno je ispoštovati: zakonske osnove, primjenu programa, pedagoške standarde i normative, znanstvena i stručna dostignuća, te iskustvo i tradiciju same predškolske ustanove. Prema tome, bitne zadaće i sadržaji koji doprinose stvaranju uslova za organizaciju i obogaćivanje aktivnosti djece radi kvalitetnog zadovoljavanja dječijih interesa i razvojnih potreba, te unapređivanju kvalitete života djece u cjelini se odnose na:

- Tjelesni i psihomotorni razvoj
- Socio – emocionalni razvoj i razvoj ličnosti
- Spoznajni razvoj
- Govor, komunikacija, izražavanje i stvaralaštvo

Planiranje, pripremanje i organizacija cjelokupnog odgojno-obrazovnog rada zasnivala se na radu kompletnog stručnog tima vrtića, koji obuhvata domen dječije stvarnosti, dječija interesovanja, potrebe, psihofizičke karakteristike, uzrast djece i uzrasnu grupu kojoj dijete pripada.



U vrtićima borave i djeca sa poteškoćama u razvoju integrirana u postojeće uzrasne grupe za čiju socijalizaciju i adaptaciju su zaduženi odgajatelji, medicinske sestre i stručni saradnici (koordinator odgojno-obrazovnog rada i defektolog-logoped). Stručni saradnici su zajedno sa odgajateljima pratili dinamiku uključivanja ove djece i intenzivno sarađivali sa roditeljima.

2. Stručni organi u Ustanovi

Stručni organi u Ustanovi su Stručno vijeće i Stručni aktivni. Osnovna orijentacija rada navedenih stručnih tijela bila je bavljenje stručnom tematikom i pitanjima koja su svojim značajem doprinosila kvalitetnijem osmišljavanju, organiziranju i vođenju konkretnih aktivnosti sa djecom kao i proširivanje profesionalnog vidokruga odgojno-obrazovnog rada u skladu sa savremenim tendencijama u oblasti psihologije, pedagogije, medicine i drugih naučnih disciplina čemu su doprinijele realizirane teme.

3. Stručno usavršavanje

U okviru individualnog i kolektivnog usavršavanja nosioci ovih obaveza su, prema Pravilniku o stalnom stručnom usavršavanju, realizirali svoje obaveze, kroz predavanja i radionice interaktivnog učenja u Ustanovi. Individualno stručno usavršavanje prati se kroz neposredan odgojno-obrazovni rad u grupi sa djecom (ogledno/ugledne aktivnosti), kao i stručne teme koje se prezentiraju u vidu izlaganja i radionica na Stručnim vijećima i aktivima na osnovu plana i programa stručnog usavršavanja, zatim seminare, konferencije te druge vidove koji odgajatelju pomažu u osavremenjavanju stručnog rada.

Učešće na seminarima:

Naziv konferencije/stručnog skupa		Vrijeme održavanja	Organizator	Broj učesnika iz Ustanove
1.	Stručni susreti predškolskih radnika FBiH „Uloga i značaj sporta, umjetnosti i kulture u holističkom pristupu razvoja djece predškolske dobi „	Sarajevo 10/12.05.2024. Direktorica izlagala - Tjelesna aktivnost šestogodišnjaka (pregled istraživanja iz magistarskog rada)	Društvo zaposlenika predškolskih ustanova u FBiH	3
2.	XII naučno-stručna konferencija „Razvijanje kooperativnosti i kompetitivnosti kroz igru djece predškolskog uzrasta“	Sarajevo 20/21.09.2024.	BAPTA	3
3.	Naučno-stručna konferencija s međunarodnim učešćem „Edukacija i izazovi savremenog“	13.06.2024. Direktorica izlagala - Institucionalna podrška profesionalnom razvoju odgajatelja djece predškolskog uzrasta	Islamski pedagoški fakultet Zenica	2
Naziv stručnog seminara		Vrijeme održavanja	Organizator	Broj učesnika iz Ustanove
	Nepoželjna ponašanja djece i adekvatna prevencija (mr. Melita Novinček, waldorfski pedagog)	02/03.03.2024. Realiziran u Vrtiću „Pčelica“	UG „Nada“	2
	Pokret, ritam i govor-odgoj djeteta glavom, srcem i rukama	25/26.05.2024.	UG „Nada“	2



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

	(mr. Melita Novinček, waldorfski pedagog)			
	Fleksibilni predškolski sistem za svako dijete	07.05.2024. (online)	UNICEF	2
	Uhvati Bika za rogove – Razvoj kreativnosti (prof. dr. Milica Drobac Pavićević)	28.09.2024	UG „Nada“	2
	Odgoj za nenasilje.- Primarna prevencija nasilja (doc.dr. Naira Jusufović)	19.10.2024. 09.11.2024. 07.12.2024.	UG „Nada“	10
	Temperament, odnosi, razumijevanje (mr. Melita Novinček, waldorfski pedagog)	26/27.10.2024.	UG „Nada“	2

4. Realizacija programa stručnih saradnika

Stručni saradnici Ustanove su: koordinator odgojno-obrazovnog rada i dipl. defektolog - logoped. Na osnovu Metodologije godišnjeg plana i programa rada Ustanove za školsku 2023/2024. godinu stručni saradnici su izradili svoje Programe rada i realizuju ih u okviru programskih sadržaja, ciljeva i zadataka odgojno obrazovnog rada i unapređenja istih.

4.1. Rad koordinatora odgojno-obrazovnog rada Ustanove

Rad koordinatora odgojno-obrazovnog rada u okviru programskih sadržaja, ciljeva, zadataka odgojno-obrazovnog rada te unapređenja istih, realizovan je u pravcu organizacije, praćenja i poboljšanja kvalitete rada sa djecom na nivou Ustanove. Učestvovanje u izradi Godišnjeg programa rada, planiranje stručnih aktivna odgajatelja i njegovatelja, praćenje pedagoške dokumentacije, planiranje roditeljskih sastanaka i radionica za roditelje, redovna saradnja sa rukovodiocima vrtića, praćenje stručnog rada odgajatelja i njegovatelja. Saradnja sa društvenom sredinom: nadležna i druga ministarstva, Pedagoški zavod Zenica, Filozofski i Islamski pedagoški fakultet, osnovne i srednje škole, javne i private predškolske i druge ustanove sličnih djelatnosti, nevladine organizacije, sportski klubovi, CIVITAS BiH, "Save the Children", mediji.

4.2. Realizovani program logopeda

Tokom školske 2023/2024 na nivou Ustanove logopedski tretman koristilo je ukupno 65 djece. Djeca koja su imala odstupanja u skladu s normama nisu bila uključena na tretman. Ukupan broj djece je bio varijabilan, upisi i ispisi su bili aktualni tokom čitave godine. Veći broj upisa i ove godine bio je nakon sistematskih pregleda djece pred polazak u školu.

Vrtić	RADOST	POLETARAC	PČELICA	DUNJA	PINOKIO	UKUPNO
Broj djece na logopedskom tretmanu	15	6	12	18	16	65



Realizacija logopedskih tretmana odvijala se grupno i individualno prema sedmičnom rasporedu, do početka realizacija programa rada u ljetnom periodu, kada je raspored prilagođen.

Broj djece koja koriste usluge ustanova iz oblasti zdravstva, socijalne zaštite i nevladinih organizacija na nivou Grada nije moguće evidentirati do uspostave multisektorskog i interdisciplinarnog pristupa evidenciji i holističkoj procjeni djece s teškoćama i invaliditetom, u skladu s Međunarodnom klasifikacijom funkcioniranja, invaliditeta i zdravlja.

Ustanova je potpisala protokol o postupanju i saradnji za navedene aktivnosti na lokalnom nivou.

5. Saradnja sa porodicom

Obavezni opći i grupni roditeljski sastanci, radionice i aktivnosti za roditelje realizovani su u skladu sa Godišnjim planom i programom tokom godine s ciljem jačanja roditeljskih kompetencija i izgradnje kvalitetnih partnerskih odnosa. Roditelji su formirali Vijeće roditelja u svakom vrtiću, a na nivou Ustanove Vijeće roditelja koje se sastaje po potrebi, na inicijativu roditelja, rukovodioca vrtića ili direktora, a u skladu sa potrebama. U suradnji sa predsjednikom Vijeća roditelja Senadom Bajramovićem i Radio Zenitom pokrenuta je inicijativa za klimatizaciju pet vrtića. Kroz ovu aktivnost nabavljeno je 16 inverter klima u vrijednosti od 16.295,01 KM. Klime su postavljene u sve vrtiće u skladu sa njihovim potrebama.

Po pozivu Fondacije DVA i škole letenja ATO Fly DVA organizovan je izlet u Kreševo za djecu i roditelje vrtića „Pčelica“ i „Dunja“. U decembru je organizovan odlazak 40 djece i roditelja na Mali šlager sezone u Sarajevu. Godišnjim planom rada većina aktivnosti planiranih u 2023/2024. pedagoškoj godini bila je u saradnji s roditeljima.

6. Saradnja sa društvenom sredinom

Plan i program saradnje s društvenom zajednicom, kulturna i javna djelatnost planski je obuhvaćena Metodologijom Godišnjeg plana i programa za školsku 2023/2024. godinu. Kroz tematske cjeline koje su pratile društvena događanja u gradu i okolini, a prateći Nastavni kalendar događanja u našoj Ustanovi, planirane su i realizirane javne i kulturne aktivnosti od kojih je većina bila na otvorenom prostoru ili grupna.

Od 2013. godine u funkciji je zvanična web stranica Ustanove www.zenickivrtici.com, na kojoj se mogu svakodnevno pronaći sve informacije i aktuelnosti vezane za rad Ustanove.

Saradnja s društvenom zajednicom, posebno se ostvaruje kroz našu fb stranicu JU Predškolski odgoj i obrazovanje Zenica.

7. Realizirani projekti

Sve aktivnosti koje su planirane Godišnjim programom rada, a koji nije usvojen, realizovane su na osnovu plana iz 2023. godine.

- Obilježen je **Dan nezavisnosti** zajedničkom šetnjom iz svakog vrtića, sa kratkim prigodnim programom pored spomenika šehidima i palim borbama „Kameni spavač“.
- Priredba za **Međunarodni dan žena** – održana u svim vrtićkim grupama za roditelje.



- Ostvarena je saradnja sa JU Mješovita srednja škola Zenica koji su u vrtićima realizovali praktičnu nastavu učenika završnih razreda, koji su praksu radili uz nadzor kuharica.
- Završna manifestacije „**Djeca i mašta, mogu svašta**“ sa podtemom „Šta se u vrtiću radi?“ održana je u BNP 03.06.2024. godine u 19.00 sati.
- Realizovane su aktivnosti obilježavanja **Nedjelje djeteta** u prvoj sedmici oktobra.
- Tradicionalna jesenja aktivnost pravljenja zimnice održana je u svim vrtićima Ustanove uz aktivno učešće djece.
- Učešće u projektu **CIVITAS** građansko obrazovanje za predškolsku djecu i učešće u Smotri malih građana u Ilidži.
- Obilježen je **Dan državnosti Bosne i Hercegovine**.
- Nastavljen je Program ranog otkrivanja slabovidnosti kod djece uzrasta od 4 godine **“Pregledaj-progledaj”** koji je u vrtićima proveo Zavod za javno zdravstvo FBiH. Nakon pregleda oftalmologa roditelji su obaviješteni o nalazima.
- Djeca vrtića “Radost” i “Pčelica” prisustvovala su priredbi koju su upriličila djeca OŠ “Meša Selimović” a u okviru festivala **“Mešafest”**.
- Organizovan je projekat **“Dan dječije radosti”** u vrtićima ustanove, a djeca su od Grada Zenica dobili paketiće. U saradnji sa roditeljima organizovana je i novogodišnja zabava za djecu.

Tokom 2024. godine ostvarili smo saradnju sa roditeljima - stručnjacima iz raznih oblasti kroz razne edukativne radionice i druženja, a prateći GPR i interes djece.

Sve važnije aktivnosti i manifestacije unose se u Ljetopis ustanove. Aktivnosti koje su realizirane su funkcionalne i imaju značajan doprinos kako za ustanovu tako i za lokalnu i širu društvenu zajednicu.



III RAD ORGANA UPRAVLJANJA I RUKOVOĐENJA

1. Rad Upravnog odbora Ustanove

Upravnom odboru JU Predškolski odgoj i obrazovanje Zenica imenovan Rješenjem Gradonačelnika Grada Zenice broj: 02-44-1274/19 od 22.01.2020. godine na mandatni period od četiri godine u sastavu:

- Amna Šestić, predsjednica
 - Adis Baručija, član
 - Alisa Trtak, članica,
- istekao je mandat.

Ovaj sastav Upravnog odbora u 2024. Godini održao je 2 sjednice na kojima je donio:

Odluku o usvajanju Finansijskog plana za 2024. godinu, Odluku o usvajanju Plana javnih nabavki za 2024. godinu, Odluku o usvajanju Pravilnika o izmjenama i dopunama Pravilnika o radu JU Predškolski odgoj i obrazovanje Zenica, Odluku o imenovanju direktora JU Predškolski odgoj i obrazovanje Zenica i Odluku o usvajanju Kriterija o načinu prijema kandidata koji apliciraju po raspisanim javnim oglasima radi zasnivanja radnog odnosa u JU Predškolski odgoj i obrazovanje Zenica

Rješenjem Gradonačelnika Grada Zenice broj: 02-44-1491/24 od 23.01.2024. godine imenovan je novi Upravni odbor u sastavu:

- Amna Šestić, predstavnik Osnivača i
- Jasminka Malićbegović, predstavnik stručnih radnika,

te Rješenjem Gradonačelnika Grada Zenice broj: 02-45-1495/24 od 23.01.2024. godine na period od tri mjeseca:

- Adis Baručija, predstavnik roditelja.

Rješenjem Gradonačelnika Grada Zenice broj: 02-45-7539/24 od 05.04.2024. godine na mandatni period od četiri godine imenovana je Lamija Bajramović, predstavnik roditelja.

Ovaj sastav Upravnog odbora u 2024. godini održao je 13 sjednica te donio odluke od kojih su najznačajnije:

Odluka o Usvajanju Izvještaja o radu JU Predškolski odgoj i obrazovanje Zenica za 2023. godinu, Odluka o ocjeni rada direktora, Odluka o korištenju sredstava MONKiS-a ZDK za realizaciju Programa obaveznog predškolskog odgoja i obrazovanja, 3 Odluke o izmjenama i dopunama Pravilnika o radu JU Predškolski odgoj i obrazovanje, Odluka o izmjenama i dopunama Pravilnika o prijemu i boravku djece u JU Predškolski odgoj i obrazovanje Zenica, Odluka o usvajanju Kriterija o načinu prijema kandidata koji apliciraju po raspisanim javnim oglasima radi zasnivanja radnog odnosa u JU Predškolski odgoj i obrazovanje Zenica, Odluka o raspisivanju Javnog oglasa za prijem odgajatelja, Odluka o izboru kandidata na radno mjesto odgajatelj po raspisanom Javnom oglasu, Odluka o poništenju Javnog oglasa za prijem odgajatelja, Odluka o prijemu u radni odnos 4 odgajatelja po Uredbi o zapošljavanju u ZDK i Odluka o visini naknade za topli obrok.

Upravni odbor u sastavu Amna Šestić, predsjednica, Lamija Bajramović, članica i Jasminka Malićbegović, članica razriješen je prije isteka mandata Rješenjem broj: 02-45-20776/24 od 04.11.2024. godine zbog nepostupanja prema članu 107. Pravila JU Predškolski odgoj i obrazovanje Zenica.

Rješenjem broj: 02-45-2038/24 od 14.11.2024. godine imenovan je privremeni Upravni odbor u sastavu:



- Alma Ščetić, predstavnik Osnivača
- Rahima Kovač, predstavnik roditelja i
- Alisa Trtak, predstavnik stručnih radnika.

Privremeni Upravni odbor u 2024. Godini održao je 4 sjednice na kojima je donio:

Odluka o usvajanju Poslovnika o radu Upravnog odbora, Odluka o stavljanju van snage Pravilnika o izmjenama i dopunama Pravilnika o prijemu i boravku djece, Odluka o razrješenju direktora JU Predškolski odgoj i obrazovanje Zenica prije isteka mandatnog perioda i Odluka o imenovanju vršioca dužnosti direktora JU Predškolski odgoj i obrazovanje Zenica.

2. Rad direktora Ustanove

Direktorici JU Predškolski odgoj i obrazovanje Zenica, Jasmini Gasal istekao je mandat te je Konkursnom procedurom, a nakon Saglasnosti Osnivača broj: 02-45-1203/24 od 17.01.2024. godine, Upravni odbor JU Predškolski odgoj i obrazovanje Zenica donio Odluku broj: 06-0602-59/1-2024 od 19.01.2024. godine o imenovanju Naire Jusufović za direktoricu JU Predškolski odgoj i obrazovanje Zenica.

Direktorica Naira Jusufović razriješena je dužnosti direktora JU predškolski odgoj i obrazovanje Zenica prije isteka mandata Odlukom privremenog Upravnog odbora broj: 06-0602-1167/1-2024 od 18.12.2024. godine kojom je utvrđeno slijedeće:

- nepravilnosti pri prijemu djece u Ustavu,
- nepravilnosti u postupku popunjavanja odgojno-obrazovnih grupa u vrtićima Ustanove,
- nepravilnosti pri isplati dijela plaće po osnovu radnog učinka i isplate naknade za prekovremeni rad,
- nepravilnosti pri odlučivanju o neplaćenom odsustvu,

te je direktorica Ustanove izvršila povredu Zakona o radu, povredu Pravila Ustanove, povredu Pravilnika o radu Javne ustanove Predškolski odgoj i obrazovanje Zenica, povredu Uredbe o kancelarijskom poslovanju organa uprave i službi za upravu u Federaciji BiH, povredu Pedagoških standarda i normativa za predškolski odgoj i obrazovanje, povredu Pravilnika o načinu vođenja evidencije o radnicima i drugim licima angažovanim na radu i povredu Instrukcije Osnivača.

Odlukom o imenovanju vršioca dužnosti direktora JU Predškolski odgoj i obrazovanje Zenica broj: 06-0602-1168/1-2024 od 18.12.2024. godine, do okončanja konkursne procedure imenovana je Jasmina Gasal.



IV PREGLED I ANALIZA POSLOVANJA USTANOVE ZA 2024. GODINU

1. Finansiranje Ustanove

Finansiranje Ustanove određeno je Okvirnim zakonom o predškolskom odgoju i obrazovanju BiH (Sl. Glasnik BiH, br: 88/2007.) i Kantonalnim zakonom o predškolskom odgoju i obrazovanju (Sl. Novine Ze-do kantona, br: 5/97. čl.52), te Odlukom o preuzimanju prava Osnivača koju je donijelo Općinsko vijeće (11.07.1996. godine, br: 01-023-43/96).

Donošenjem Podzakonskih akata, od kojih je naročito važan **Kriteriji finansiranja** (Sl. Novine, Ze-do kantona 12/10), kod kojeg se visina sredstava utvrđuje posebnim ugovorom između osnivača i predškolske ustanove za svaku godinu.

Sredstva sadrže:

- a) bruto plaće zaposlenika
- b) naknade i visine naknada koje nemaju karakter plaća
- c) sredstva za materijalne troškove
- d) sredstva za nabavku opreme i učila
- e) potrošni materijal za odgojno-obrazovni rad
- f) amortizaciju i tekuće investicijsko održavanje objekata
- g) dio radno-igrovnog materijala

Poštujući Kriterije finansiranja djelatnosti, finansijsku podršku Osnivača, pedagoške standarde i normative moguće je stvoriti uslove za kvalitetan rad.

U skladu sa pomenutim Zakonima Osnivač Ustanove obavezan je Ustanovi obezbijediti sredstava za realizaciju primarnog i specijaliziranih programa u skladu sa pedagoškim standardima i normativima, shodno posebno donesenim propisima o ustupanju javnih prihoda.

Ustanova ostvaruje prihode od:

- Osnivača Ustanove, sredstva primljena po Zaključku Gradonačelnika po mjesecima na ime finansiranja djelatnosti za 2024. godinu
- Korisnika usluga
- Realizacije kraćih programa, projekata i sl.
- Iznajmljivanje prostora sa naknadom zakupnine
- Donacija

2. Prihodi i rashodi Ustanove

Ustanova je rashode definisala u skladu sa Zakonom o Budžetima u FBiH (Sl. Novine FBiH, br: 19/06), čl. 59. u skladu sa čl. 21. Stav 3. Uredbe i čl. 40-47 Pravilnika o knjigovodstvu Budžeta FBiH. Rashode u toku 2019. godine, društvo je vodilo na akrealnoj osnovi.

Ustanova je prihode definisala u skladu sa Zakonom o Budžetima u FBiH (Sl. Novine FBiH, br: 19/06), čl.59, te u skladu sa čl. 21. stav 3. Uredbe i čl. 48. Pravilnika o knjigovodstvu Budžeta FBiH.



RAČUN PRIHODA I RASHODA
Period izvještavanja od 01.01.2024. do 31.12.2024. godine

Rb.	OPIS	2024.	2023.
	I RASHODI	2.180.614	1.969.421
1.	Tekući rashodi	2.180.614	1.969.421
2.	Plaće i naknade troškova zaposlenih	1.925.020	1.640.407
3.	Bruto plaće i naknade	1.714.686	1.444.805
4.	Naknade troškova zaposlenih	210.334	195.602
5.	Izdaci za materijal, sitni inventar i usluge	255.594	329.014
6.	Putni troškovi	754	2.657
7.	Izdaci za energiju	30.296	24.270
8.	Izdaci za komunikaciju i komunalne usluge	34.353	27.305
9.	Nabavka materijala i sitnog inventara	137.404	125.356
10.	Izdaci za usluge prevoza i goriva	3.229	8.453
11.	Izdaci za tekuće održavanje	3.272	7.430
12.	Izdaci osiguranja, bankarskih usluga i usluga platnog prometa	9.110	1.339
13.	Ugovorene i druge posebne usluge	37.176	132.204
	II PRIHODI	2.172.624	1.949.236
14.	Neporezni prihodi	1.040.045	908.717
15.	Prihodi od poduzetničkih aktivnosti i imovine i prihodi od pozitivnih kursnih razlika	37.643	38.864
16.	Ostali prihodi od imovine	37.643	38.864
17.	Naknade i takse i prihodi od pružanja javnih usluga	1.002.402	869.853
18.	Sudske takse	363	1.995
19.	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	973.155	859.073
20.	Neplanirane uplate – prihodi	28.884	8.785
21.	Primljeni transferi (transferi i donacije)	1.132.579	1.040.519
22.	Primljeni tekući transferi od ostalih nivoa vlasti	1.124.137	1.034.605
23.	Primljeni tekući transferi od ostalih nivoa vlasti i fondova	1.124.137	1.034.605
24.	Donacije	8.442	5.914
25.	Donacije	8.442	5.914
	VIŠAK PRIHODA NAD RASHODIMA	0	0
	VIŠAK RASHODA NAD PRIHODIMA	7.990	20.185

3. Višak rashoda nad prihodima

Ustanova je izvršila obračun (utvrđivanje) finansijskog rezultata obračunskog perioda, sučeljavanjem ukupnih prihoda i rashoda obračunskog perioda.

Ostvareni višak rashoda nad prihodima za period 01.01.-31.12.2024. godine iznosi 7.990,00 KM.



V MIŠLJENJA I PREPORUKE NEZAVISNOG REVIZORA

Osnivačima Javne ustanove Predškolski odgoj i obrazovanje Zenica Izveštaj o reviziji finansijskih izvještaja

Mišljenje

Obavili smo reviziju priloženih finansijskih izvještaja Javne ustanove Predškolski odgoj i obrazovanje Zenica (u daljem tekstu "Ustanova"), koji se sastoje od Bilansa stanja na dan 31. decembar 2024. godine, Računa prihoda i rashoda, Izvještaja o novčanim tokovima, Izvještaja o kapitalnim izdacima i finansiranju, te bilješki uz finansijske izvještaje, uključujući i sažetak značajnih računovodstvenih politika.

Po našem mišljenju, finansijski izvještaji prikazuju objektivno i fer, u svim materijalno značajnim stavkama, finansijski položaj Ustanove na dan 31. decembra 2024. godine, te rezultate njenog poslovanja i njene novčane tokove za godinu koja je tada završila, u skladu sa Međunarodnim standardima finansijskog izvještavanja.

Osnov za mišljene

Obavili smo reviziju u skladu sa Međunarodnim revizorskim standardima (MRevS-ima). Naše odgovornosti prema tim standardima su detaljnije opisane u paragrafu o revizorovim odgovornostima za reviziju finansijskih izvještaja. Nezavisni smo od Ustanove u skladu s Kodeksom etike za profesionalne računovođe Odbora za međunarodne standarde etike za računovođe (IESBA) i ispunili smo naše ostale etičke odgovornosti u skladu s IESBA Kodeksom. Uvjereni smo da su revizorski dokazi koje smo prikupili dostatni i primjereni kao osnova za izražavanje našeg mišljenja.

Ostale informacije

Uprava je odgovorna za ostale informacije. Ostale informacije sadrže informacije uključene u godišnji izvještaj, ali ne uključuju godišnje finansijske izvještaje i naš revizorski izvještaj.

Naše mišljenje o finansijskim izvještajima ne obuhvata ostale informacije, i mi ne izražavamo bilo koji oblik zaključka s izražavanjem uvjerenja o njima.

U vezi sa našom revizijom finansijskih izvještaja, naša je odgovornost pročitati ostale informacije i u provođenju toga, razmotriti jesu li ostale informacije značajno protivrječne finansijskim izvještajima ili našim saznanjima stečenim u reviziji. Ako, na osnovu posla koji smo obavili, zaključimo da postoji značajan pogrešan prikaz tih ostalih informacija, od nas se zahtjeva da objavimo tu činjenicu. U tom smislu mi nemamo nešto za objaviti.

Značajna neizvjesnost u vezi sa vremenski neograničenim poslovanjem

Uprava nije utvrdila postojanje materijalno značajne neizvjesnosti koja može dovesti u pitanje vremensku neograničenost poslovanja Ustanove. Na osnovu naše revizije finansijskih izvještaja, također nismo utvrdili postojanje takve materijalno značajne neizvjesnosti. Međutim, ni Uprava ni revizor ne mogu garantovati vremensku neograničenost poslovanja Ustanove.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

Revizija skreće pažnju da je Ustanova u prethodnim godinama vršila nabavku stalnih sredstava za koju nema izvora sredstava. Zajedno sa ostvarenim gubitkom Ustanovi nedostaje 161.620 KM te sugerišemo Osnivaču da navedeno uzme u razmatranje u planiranju budžeta i finansiranje ove Ustanove.

Društvo za reviziju "RE-CONTROLING" d.o.o. Zenica
Branislava Nušića broj 7
72000 Zenica

Dijana Ajanović Džananović, ovlašteni revizor

Mr.sci. Pidro Elvira, dipl.oec., direktor



VI ZAVRŠNA RAZMATRANJA

Zakonom o predškolskom odgoju i obrazovanju reguliše se predškolski odgoj i obrazovanje djece od šest mjeseci starosti do polaska u osnovnu školu, kao početni stepen jedinstvenog sistema odgoja i obrazovanja, koji se ostvaruje kroz programe sa ugrađenom zajedničkom jezgrom na području ZDK.

Opći cilj predškolskog odgoja i o obrazovanja

Opći cilj predškolskog odgoja i o obrazovanja u Bosni i Hercegovini, kao integralnog dijela cjelokupnog sistema odgoja i obrazovanja, je osigurati optimalne uvjete da svako dijete, do polaska u školu, razvija i ostvaruje svoje potencijale do maksimuma putem različitih vidova visokokvalitetnih, sveobuhvatnih, kulturološki prilagođenih i inkluzivnih usluga predškolskog odgoja i obrazovanja.

Specifični ciljevi predškolskog odgoja i obrazovanja

1. Povećati obuhvat djece predškolskim odgojem i obrazovanjem

Za realizaciju ovog cilja potrebno je: osiguranje i proširenje prostornih kapaciteta predškolskih ustanova i osnovnih škola; njihovo opremanje i nabavka didaktičkog materijala; te povećan broj stručnog osoblja.

2. Osigurati kvalitet predškolskog odgoja i obrazovanja

POO utemeljiti na ishodima razvoja i učenja djece, sa fokusom na dijete a ne na sadržaj, što podrazumijeva kvalitetan program i kompetentno stručno osoblje, sigurno i poticajno okruženje, holistički pristup djetetu, pluralizam metoda rada i interdisciplinarnost, kao i fleksibilnost.

3. Osigurati redovno finansiranje

POO, kao prvi nivo sistema obrazovanja, uvesti u budžete entiteta, kantona, Brčko distrikta Bosne i Hercegovine i lokalnih zajednica (resori obrazovanja, zdravstva, socijalne zaštite) u statusu stalnog budžetskog korisnika. Pri tome posebno izdvojiti namjensku stavku za finansiranje POO-a u godini pred polazak u školu, te namjensku stavku za (su)finansiranje povećanja obuhvata djece od 0 do 5 godina.

4. Ojačati inkluziju

Povećati uključenost u POO djece sa poteškoćama u razvoju, darovite djece, djece iz rizičnih obitelji, djece Roma, djece iz ruralnih sredina, djece iz obitelji sa niskim socio- ekonomskim statusom, djece bez roditeljskog staranja, djece nezaposlenih roditelja, te djece iz drugih ranjivih društvenih grupa.

5. Sensibilizirati društvo za značaj predškolskog odgoja i obrazovanja

S obzirom na nedovoljno razvijenu svijest o značaju POO-a i za društvo u cjelini i za pojedinca, sensibilizira ti društvo za značaj institucionalnog POO-a, posebno donosiocima odluka na svim nivoima vlasti, obitelj, javnost i mediji.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU PREDŠKOLSKI ODGOJ I OBRAZOVANJE ZENICA

Pored ovih, najvažnijih stavki vezanih za našu djelatnost ne možemo ne izdvojiti finansiranje. Osnivač JU Predškolski odgoj i obrazovanje Zenica je Općinsko, odnosno Gradsko vijeće i zakonski je utvrđeno kako se Ustanova finansira. Pozivamo vas da u okviru svojih nadležnosti, zakonito finansirate Ustanovu kako čestim povećanjem cijena usluga ne bi opterećivali građane, mlade roditelje i da vaši kartoni koje podižete definišući svoj glas i glasajući kad je finansiranje naše Ustanove u pitanju budu u skladu sa budućnosti koju ćemo graditi sa djecom starosti od 6 mjeseci do 6 godina.

Nemojte zaboraviti ni kategoriju građana koji nisu u stanju platiti usluge predškolskog odgoja i čija djeca nisu uključena u prvi stepen odgoja i obrazovanja. Dajte svakom djetetu jednaku šansu, jednake uslove odrastanja a nama motiv da se i dalje nesebično trudimo, kao u svojoj kući sa svojom djecom.



